

*DEE ESE SE WOHUNU FA
SENTI A ESE SE WOKA WO
GYIDIE HO ASEM KYERE
AFOFORO*

Lars B. Dunberg

ServeNow 

***Dee Eɛ Se Wohunu Fa Senti A Eɛ Se Woka Wo Gyidie
Ho Asem Kyere Afoforo***

***The Basic Things You Need to Know About Sharing
Your Faith with Others (Asante Twi)***

Otwerefoɔ: Lars B. Dunberg

Owuraye Tumi © 2017 *ServeNow* na wɔde ma.

ServeNow nko ara na wɔma ekwan ma wɔde Owuraye Tumi
no di dwuma.

ISBN 979-8-90086-008-4

Tweresem a woafa afiri Asante Twi Nkwa Asem™ mu,
Owuraye Tumi © 1996, 2020 Biblica Inc. na wɔde ma.
Biblica, Inc. nko ara na wɔma eƆkwan ma wɔde Owuraye Tumi no di dwuma.

ServeNow ne CLC/MLM na wɔtintimuiɛ
5142 N Academy Blvd #153
Colorado Springs, CO 80918, USA

Dee Eɛe Se Wohunu Fa Senti A Eɛe Se Woka Wo Gyidie Ho Asem Kyere Afoforɔ

Nnianimu

Woye Yesu Kristo mu ogyidini. Ebetumi aba se wogyee Kristo diie akyere anaase mpo nnansa yi ara na woregye no adi. Mpen pii no, eye a na eye nnamfonom anaase abusuafɔ bi na woka asempa no ho asem kyere nnipa binom ma enam so ma saa nnipa no nso hunu Yesu Kristo. Se saa nnipa no anka asempa no ho asem ankyere afoforɔ a, anka worenhununu Awurade anaase n'ahennie no da.

Obi asem ne se, woreka asempa no ho asem akyere afoforɔ, te se dee ebia wo nnamfonom mu baako bi aka asempa no ho asem akyere wo no, te se dee asresrefɔ bi rekyere ne yonko asresrefɔ bi baabi a obetumi anya paanoo.

Wonyaa osuahunu kesee pa ara a ewɔ w'abrabɔ mu—eye abrabɔ foforɔ ma wo seesei enna esan nso ye wo daakye abrabɔ ho susudua. Osuahunu kesee biara nni ho a eso kyen yei wɔ ewiase yi mu. Seesei, akwannya aba ama wo se wobeka wo suahunu no ho asem akyere nnipa a wɔatwa wo ho ahyia no. Nwoma yi bema woahunu senti a eho hia se woka wo suahunu no ho asem kyere afoforɔ na afei nso asan akyerekyere wo ekwan papa a wobefa so aka wo nsem no.

Mfee beboro mpennu nie na Awurade hyee n'asuafɔ no ka kyere wɔn se, *Monkɔ ewiase nyinaa nkɔka asempa no nkyere nnipa nyinaa* (Marko 16:15). Saa asuafɔ no kɔkaa asempa no kyere nnipa beboro mpemnum a ne nyinaa mu mpo no, na woye asɔre foforɔ no mu nnipa ketewa

bi. Yen adwene mu beye yen keserenee kakra wo ekwan a yebefa so atumi aye saa dwumasono yi enne mmere yi mu.

Yesu anhye n'asuafoɔ no se wonko keke, na mmom asan hyee won bo se, *Wode asoro ne asase so tumi nyinaa nna me. Enti, monko nkoye amanaman nyinaa m'asuafoɔ. Mommɔ won asu nhye Agya, Oba ne Honhom Kronkron din mu, na monkyerekkyere won se, wonni dee mahye mo no nyinaa so. Na me ne mo wo ho nna nyinaa de beko akosi ewiase awiee* (Mateo 28:18-20).

Sedee na esi tee wo saa bere no mu no, saa ara na enne mmere yi mu nso no, nnipa da so te honhom mu esum kabii mu. Nkomhyeni Isaiah twere se, *Hwe, esum akata asase so na esum kabii akata aman no so, nanso AWURADE apue wo so na n'animuonyam ada adi wo wo so* (Yesaia 60:2). Ekwan ben na yebefa so atumi aka asempa no ho asem akyere afoforo? Ekwan ben na yebetumi afa so ama ehann adi esum so nkonim? Ekwan ben na yebetumi afa so ato nsa afre afoforo ama won nso abenya yen abrabo mu nsakrae yi ara bi peperepe?

Eho hia se yebete nnipa a wɔatwa yen ho ahyia no ase

Edeen na ekanyan nnipa a wɔatwa yen ho ahyia no? Edeen na wode won bere ne won sika ye? Botae ben na esi won ani soo? Sen koraa na wosi te abrabo ase? Hwan koraa na oka asem kyere won a, wotie no?

Enti Okristoni abrabo betumi anya nsunsuansoo amapa bi wo obra kontonkye yi so anaa? Enne mmere yi a akyinnyegyefoo ne kasatiafoo abu so yi, enti mfasoo bi betumi aba yen ahooɔden so se yeye Akristofoo yi, yen akonnodee, yen ahohoahodee anaa yen anigyesem, ne pere a yerepere yen ho se yebeye biribi sononko wo amanaman ne ewiase afanan nyinaa mu no anaa? Enne mmere yi a dwaee ne ahantan agye ewiase abo so yi, enti Akristofoo aman ahodoɔ no so betumi aye ahotɔbea ne asomdwoeebea a

yebetumi de yen ahiasem, yen adwendwene, yen kodaana, yen dadwen ne yen awerehossem akodan anaa?

Bo mmoden ara se wobete tebea a nnipa a wotwa wo ho ahyia no ko mu da biara no ase. Yesu hyee ase bisabisa nnipa bi nsem faa won ara abrabo ho hunuu sedee won abrabo mu nsem si tee enti wamma won ankoso antena won tebea no mu. Yesu tiee won nsemmissa no nanso wamma won mmuaee; okaa nokwasem a na nnipa no pe se wote no na ekyeree won, na mmom enye mmuaee a na wope se wote no.

Nnipa nyinaa rehwehwe mmuaee

Enne mmere yi mu, ewiasefoo taa ka honhom mu nsem ho asem kyen Akristofoo. Eye anidasoo a wonni ne hunu a wohunu se woda mpan anaase wonni honhom mu ahobammo biara nti na ema wotaa ka ahonhomsem sedee ebeye a wobanya “biribi te saa” abo won ho ban.

Afoforo binom nso nam esom mu nhyehyeee ahodoo so resom ahoni. Wonni awerehyemu biara mpo se nkithodie amapa anaase twaka papa bi da wone dee woresom no no ntam. Worehwehwe bonefakye, odo, awerehyemu ne ehann wo esum mu enti wonhunu. Wobetumi aye amannee ahodoo bebree, nanso nnipa akoma rento ne yam da.

Enne mmere yi, asempa a ewo Kristosom mu no tumi ma nnipa nya nteasee wo won asetena mu, ema Akristofoo nya ahofadie firi won bone ho enna afei nso, ema wonya daa nkwa ho anidasoo.

Awerehossem kesee bi

Nnipa mpempem na wobewu wo me man ne wo dee no mu wo afe yi mu. Ebeye awarehossem kesee ama mmusuakuo no. Onyankopon nko ara na onim won a wobewu no mu dodoo a wone no rennya nkithodie bio korakorakora. Ampa ara, won a wobewu no mu beboro efa anom asem

kyere se, warempe se wone Onyankopon Tweaduampɔn benya twaka anaase nkitahodie bi da biara da. Na saa awufoɔ no ne Onyankopon Tweaduampɔn ntam ntetemu no ye *awerehosem keseɛ* ma won sene owuo no ara mpo.

Nnipa bebreɛ na wonnyaa anigyee ne asomdwoee a Onyankopon nhyira ne ne mu tena tumi de ma onipa no bi da. Na abusuani, adamfoɔ, asɔreba, yonko-dwumayeni, aban adwumayeni anaase ɔsofo baako mpo nni ho a onyaa ɔdo maa won se obeka Onyankopon Teasefoɔ no ho asem akyere won. Se Kristo akyidifoɔ amapa no kaa won gyidie a wɔwɔ wɔ Kristo mu no ho asem kyereɛ won a, anka wonyaa nkwagyee firii awerehosem a na etwen won no mu. Seesei, nnipa mpempem a wɔko won kra akyi a wanhunu Onyankopon no, se wonyaa obi maa ɔkaa ne gyidie wɔ Onyankopon mu ho asem kyereɛ won a, anka wɔhunuu Onyankopon ma enam so maa wonyaa ɔgyee firii saa ɔhaw anaa tebea no mu. *Na yei ye awerehosem a ekyen nkaee no nyinaa!*

Abasem ahodoɔ bebreɛ na Yesu ka faa anigyee a won a na wayera nanso akyire yi wɔbehunuu ekwan teneneɛ no nyaee ho. *Saa ara nso na se ɔdebɔneyefoɔ baako nu ne ho a, ɔsorofoɔ nyinaa ani gye sene se ateneneefoɔ aduokron nkron wɔ ho a ahonu ho nhia won no* (Luka 15:7).

Yesu da ne ho adi se odwanhwefopa a ɔtumi gya nnwan aduokron nkron ho kɔkyinkyin mmepɔ so ne bonhwa ahodoɔ a ewɔ ewiase afaɔnan mu kɔhwehwe nnwan a wayera. Enye odwanhwefopa ne odwanhwefoɔ a eberɛ biara no na ɔgyina nnwanbuo ho rehwe nnwan a wɔwɔ nnwanbuo no mu no nko ara so na mmom, odwanhwefopa ne odwanhwefoɔ a ɔde ahokeka ko mmeaee ahodoɔ kɔhwehwe nnwan a wayera de won ba nnwanbuo no mu bi. Seesei ara, Yesu pe se ɔfa yen so ye saa adekorɔ no ara bi pɛpɛpɛ.

Obaa a yetee ne ho asem wɔ sika mpɔ a eyeraee no ho abasem no mu wɔ (Luka 15:8-10) no, wɔanka se na ɔbaa

bi te akonwa so rekan ne sika mpɔ hyenhyen bi. Dabi, na saa obaa yi ani abere se, ekwan biara so, ese se ohunu ne sika mpɔ a ayera no enti otuu nneema a ewo ne efie nyinaa hwehwee mu hweee se obehunu sika mpɔ no a. Oyee dee obetumi biara hwehwee sika mpɔ no.

Enye onipa a yene no hyia wo asoredan mu som Onyankopon nko ara na ofata se yeka yen gyidie ho asem kyere no. Asoredan mu ye beaee a yehyia sua adee, gye akwankyerɛ nam so de nyini wo Onyankopon ho nimdee mu. Asoredan mu ye beaee a mpen pii no, yekɔ ho kɔbo mpaeɛ ma yen-ho-yen-ho na ema yenya ahoden de tena nkuro a Onyankopon de yen akotenatena mu no mu.

Nanso, se yeye se yeka yen gyidie ho asem kyere afoforo a, ese se yekoka no wo beaee a saa nnipa no wo. Ewom se, na tete Akristofos no tete ntomadan mu na esom Onyankopon dee, nanso na wosan koka asempa no bi wo won nkuro mu, mmonten so ne baabiara a wokoeɛ.

Se ofareni pe se oyi apataa a, enye nsuo a egu bokiti mu si efie mu na okoto n'asau eguo. Okoto n'asau no gu otadeɛ anaase mpɔ, epo mu baabi a mpataa no wo. Okuani nnua mfudeɛ wo efie mu. Ansa na okuani betumi atwa nnobaeɛ bebree no, ono ara nim se, ese se, ofa ne mfuntum nnadeɛ ko nwuram kogyina awia kataban so do siam n'anim fifire.

Ebeye den ama nnipa a wowo osom foforo mu se wobeko mmeaee a Akristofos hyia bi te se asoredan mu. Yei nti, ese se yehyia won anaase yekosra won wo mmeaee a wohyia – se ebia won afie mu, mmeaee a wotena nom kofe anaase adidibea.

Abonten so baabi a eben epono a wofre no "Fefe," no ho ho na na Peter ne John gyina reka won gyidie ho asem kyere obubuani barima bi. Mmonten so na woyee nhyiamu ahodoɔ bebree maa nnipa mpempem begyee Kristo diie. Eberɛ a Philip ko Samaria no, abonten so na ogyina kaa ne gyidie ho asem kyereɛ nnipakuo no. Akwantemfi a

na obiara nni ho na Philip hyiaa Ethiopiafoɔ fotosanfoɔ kyerekyere asempa no mu kyereɛ no. Abɔnten so na Paul kaa asempa no kyereɛ nnipakuo no.

Ebere a na meye abɔfra no, se eduru adɔ bere so a, na me ne me wɔfa nimpɔn na ekɔ afuom. Na ɔma me kwan ma mede trata ye adwuma wɔ afuo no mu. Na yetumi kyere wɔ afuo no mu yie a etɔ da bi mpo a, na adeɛ tumi sa yen wɔ afuo no mu a ne nyinaa mu no, na yede boaboa nnɔbaeɛ a yeatwa no nyinaa ano sedee ebeye a erensee. Sedee yenim no, ɔbre dodoɔ no nyinaa mu no, na yegye bere kodidi wɔ me wɔfa no gyaade ma yen ani gye yie. Adidie no ho anigyee no nyinaa mu no, se yehunu se osuo remuna na ebetɔ a, na yeakɔsesa nnɔbaeɛ a yeatwa no nyinaa abegu me wɔfa gyaade no mu. Na yennyina ho mmɔ mpaee se, "Awurade, ma nnɔbaeɛ a yeatwa yi mmegu gyaade ha na yemmɔ ho ban wɔ ha." Dabi, na mmom dee na yeye ne se, yema yen ho ye hare kɔsesa nnɔbaeɛ a yeatwa no nyinaa begu gyaade no mu ansa na se osuo no betɔ a, atɔ.

Ese se wo ne me hye no nso se, ebetumi aba se yen na yebeye nnipa a yetwa toɔ koraa a yen abusuani anaase yen adamfo bi befa yen so ahunu Yesu. Ka kyere wo yɔnko se, "Saa nnipa no ne yen."

Nsemmissa a ese se yedwennwene ho

Nnipa dodoɔ sen na wɔwɔ me kurom, kuropon anaase me man mu a wɔnnya ntee Nsempa no?

Eye hwannom? Wɔwɔ ehefa? Edeen na ehia se meye a ebeboa ama matumi ahya wɔn asomdwoee mu aka Nsempa no ho asem akyerɛ wɔn?

Osuahunu ne adehiadeɛ ben na nnipa a wɔapo Kristosom ne asɔrekɔ no wɔ?

Nkwagyee ne adeɛ kesee pa ara a saa nnipa yi betumi anya.

Tebea a akoma ahodoɔ wɔ mu

Dwendwene onipa bi a obiara nkaa Kristo ho asem nkyerɛ no da ho. Saa onipa no susu se, Yesu ye "Onyankopɔn manfrani bi" na yei kyere se saa onipa no rekɔ owuo mu a Kristo nka ne ho. Ebinom nso nni Akristofoɔ ho mfoɔni biara wɔ wɔn adwenem. Ebia ebere bi a atwam no, obi kaa Kristo ho asem kyereɛ wɔn ma enam so maa wɔkɔɔ asɔre mmaako mmaako bi, nanso seesei dee, wɔne Onyankopɔn ntam kwan reware na ama ɔdɔ a wɔwɔ ma Onyankopɔn no nso so te ara na ɛrete.

Afei, dwendwene agyidifoɔ a wɔye Akristofoɔ amapa a wɔdɔ Onyankopɔn Asem no ho. Wɔanyini wɔ gyidie no mu enna Onyankopɔn Asem no nso te wɔn mu pampee.

Ohaw baako pɛ na ɛwɔ hɔ: Saa agyidifoɔ yi nka Twere Kronkron no mu nsem no bi nkyere nnipa a wɔatwa wɔn ho ahyia no a wɔhia se wɔte saa nsem yi mmorosɔɔ no. Se anka wɔbɛka asempa no akyere wɔn no, saa Akristofoɔ yi de wɔn Twere Kronkron no fenfam wɔn koko so sɔ mu dendeenden te se dee wɔakɔgye abasobɔdeɛ bi no. Wɔmpɛ se wɔka asem a ɛwɔ Twere Kronkron no mu kyere obiara.

Saa asem yi ma Kristo di awerehɔɔ wɔ n'akoma mu. Yei ma Yesu ka se, "Mo Akristofoɔ, moye asase so nkyene, ɛse se mo ne nnipa a wɔpɛ se wɔte mo de no nante bom."

Momma yennyina ayaresa ho nimdee so nkyerɛkyere asem yi mu. Se merebetu kwan akɔ ɔman foforo a ɛwɔ akyirikyiri bi so a, mekɔhunu neɛseni bi ma ɔwowɔ me mpanee ansa na makɔ. Se mekɔ neɛseni no hɔ a, enti eye a ɔka se, "Owura Lars, kɔsɔ afasuo no mu na dane wo ho. Megyina me pono yi ho na mahwe se metumi ato panee no ama ano no abewɔ wo kama sedee mepɛ no a." Dabi da, ɔnka saa! Na mmom dee ɔye ne se, ɔma meda m'afuru so wɔ fam na wabetena me nkyen na ɔde panee no awɔ me honam baabi pɔtee a ɛse se ɔde wɔ.

Enne mmere yi, yen na yeabe ye adokotafoo ne neesefoo wo ewiase a yaree ahye mu ma tototo yi. Yewo ohaw ahodo a edokoro amansan no ano aduro nanso yerentumi nnyina mmeaee a yen asore ahodo no wo anaa mmeaee a yissom no mmoa won esiane se ekwan a eda ntam no ware pa ara. Yei nti, eho hia se yetwi ben won na ama yeatumi de aduro no ama won. Ehia ma yen se yebue Twere Kronkron no mu na yeka mu nsem no kyere afororo na enam so ama yeanya akomapa te se Kristo dee no bi. Ese se yanya odo ma won a wayera no, na mmom enye se yebesoso won so keke. Ese se yepa ekwan a yebetumi afa so ne won anya nkitahodie amapa na yene won aye nnamfoo wo ekwanpa so, sedee ebye a, eboduru ebera bi no, yebetumi aka asempa no ho asem akyere won. Ese se yepue ko mmonten so koka asem no ma Kristo wo ebera a ese mu ne ekwanpa so.

Enne yi, nnipa bebre na wowo asore ahodo mu a wode won Twere Kronkron afenfam won koko so dendeenden. Nanso biribi si wo ebera a yefa akwanhodo so pue ko mmonten so koka asempa no wo adwuma mu, sukuu mu anaase ebera a yen asore ahodo no hye ase fa akwan ahodo so ka asempa no kyere afororo.

Dee etwa too no, eye asem a ete se dee obi gyina owuo ne nkwa nkwan no. Se nnipa dodoo no ara mpo nnim a, won adehiadee titire pa ara no ho mmuaee wo wone Yesu Kristo ntam nkitahodie mu.

Nsempaka mu nokwasem no...eda so ara ye nokwasem

Nsem ahodo a woka fa asempa no ho enne mmere yi mu ne dee na woka no wo tete mmere mu no nyinaa ye adekoro. Nokwasem ahodo a tete asore no kae no da so ara ye adwuma sedee na etee no ara ma Peter, John, Matthew, Thomas, Mary, Lydia, Dorcas ne Yesu akyidifoo akuo nkumaa nkae no a wadane ewiase butui no. Asem no

ye Onyankopon dea. Se yede n'asem no ye yen akokyem, na se yesre ne nhyira, na yeko a, biribi si!

Nsompakafo a woye nam pa ara ye won a wotatu won ho asi ho ama Kristo na wode obuo ma ne Honhom nso. Wonhyeda nhia nsompaka ho ntetee biara, enhia se woye aban adwumayefo enna enhia se yehye won asofo wo asore bi mu. Na mmom, ese se wonya odo ma Kristo, na wonya ope pa se wobema ewiase nyinaa ahunu no, na afei nso oye krado se obema ne ho kwan ama ode no aye adwuma wo tebea biara mu ne ebere biara mu ama waboa afoforo ama wotumi aba Onyankopon ahennie mu. Na mmom, momma yenhye no nso se, adee a yenni no, yerentumi mfa mma.

“Se wote” ne “se wote ase” nye pe

Wote amanebo bi a, na enkyere se nnipa nyinaa tie saa amanebo no, te asee anaase wode to won tiri mu. Ebetumi aba se Onyame mma mpo rennya amanebo no mu nteasee.

Ebere bi a atwam no, woyee nhwehwemu faa Canada asorefo 1,000 bi ho. Womaa won ekwan se wonkyere Twere Kronkron no mu nkyekyemu bi a wasusu se, sebe mpre aduasa, akwadaa mpo nim. Mmuae a won mu dodoo no ara de mae ne se, ”Onyame boa dee oboa ne ho.” Awerhosem ne se, won nyinaa wee potoo. Saa asem no nni Twere Kronkron no mu baabiara mpo.

Nnipa dodoo a wotaa ko asore no nkyere se Kristo asesa won abrabo. Ebetumi aba se woako asore saa ama afei mpo dee, asempa no ntumi nnya nsunsuansoo biara wo won abrabo so bio. Saa nnipa no taa gye boneka ho gyidie fapem no tom. Wofiri won mmofraase na wasua nnwom ahodoo a woto de ye asore no nyinaa agu won tiri mu. Nanso yeinom nyinaa akyi no, wone Kristo nni twaka, ayonkofa anaa nkitahodie biara efiri se, worentumi nka won gyidie ho asem nkyere obiara mpo wo ebere a won ankasa pe se woka.

Se wobete na woagye adi

Yen adwuma ne se yebewee se nnipa bete asempa no na woagye adi.

Na Yesu wo saa dwumadie koroo no ara bi. Yesu faa akwannuasa so kaa nokore fapem ahodoo no ho asem kyeree n'asuafoo no kae kae kae kosii se wotee dee na oreka ho asem no ase.

Eduro bere bi a, yentumi nnwen yen aso ntie asem anaase se yetie asem bi mpo a, yenhye no nso. Da koro bi na me ne osoo bi ne ne yere redidi wo won efie. Na awarefoo yi ba abarimaa a wadi mfee enum redi agoro wo adihoo, enna osoo no de n'ani tee epono no ano free ne ba no se, "Peter, Peter, anwumeduane aye krado!" Wammua. Ofree no bebore mpre enum a wammua no no, onoo ara tii so kohwehwee ne ba no. Osoo yi hunuu ne ba no no, osoo ne nsa enna obisaa no se, "Peter, aden nti na mefre wo a, wommua me?" Akwadaa yi hwee ne papa no anim haa enna okaa se, "Na wo fre no tra m'aso."

Nnipa ntam nkitahodie

Nnipa beye 165,000 na da biara wogye Kristo di wo ewiase afanan nyinaa mu. Nnipa yi mu bebore oha mu nkyekyemu 70 na wonam won ankasa ho nkitahodie so ne Akristofoo a wokaa won gyidie ho asem kyeree won no di nkitaho. Se anka agyidifoo a wowa amanhodoo so nyinaa tumi ka asempa no kyerekyere mu fann kyere onipa baako wo bosome baako biara ntam mpo a, anka wosusu se edeen na ebesi? Se mpo ogyidini biara tumi ka asempa no kyere onipa baako wo ne nkwa nna nyinaa mu mpo a, anka agyidifoo beye mmohoprenu. Se anka abusua bi fa abusua foforo bi adamfoo na se wofa won-ho-won-ho so ma won nyinaa begye Kristo di a, anka nnipa bebu so wo asoredan mu. Se anka asore biara tumi te asore baako ka ho a, anka

asore ahodo a ewo ewiase no beye mmohoprenu. Na anka yei remma Onyankopon Ahennie nye sononko wo asase yi so ana?

Mpen pii no, eye a na yenhunu yen gyidie a yeka ho asem kyere afororo no so nsunsuanso ntem. Ebinom koraa dee, se ekyere oo, se enkyere oo, wanhunu eso nsunsuanso biara. Nanso, momma yenhye no nso se, Akristofoo a woka won gyidie ho asem no te se apapoo a ewo nkonsankonsan mu no. Onipa baako bi na obeyee epo a edi kan wo nkonsankonsan no mu a ohyee ase gyinaa obi din so bo mpae maa no. Onipa foforo bi nso fa akwannya no so ne onipa foforo di asempa no ho nkommoo. Nnipa afororo bi nso fa so beye nkonsankonsan no mu apapoo no bi toa so bo mpae ma onii koro no. Enna dee etwa too koraa no, onipa foforo bi nso ka asempa no ho asem bio kyere saa onipa no na enam so ma no benya gyidie wo Yesu mu. Nnipa dodoo a enam yei so bema wabayee apapoo ahodo wo nkonsankonsan no mu no ma Okristoni foforo no beye osuani. Epo biara a ewo nkonsankonsan no mu ho hia pa ara!

Akwan ahodo a wobetumi afa so aka wo gyidie ho asem enne mmerɛ yi ho nhwesoo no bi na edidi soo yi

Abasem bebre na ewo Apam Foforo no mu a ekyere akwan sononko a nnipa ahodo faa so kaa asempa no ho asem kyere afororo.

Osomafo Paul

Osomafo Paul hyeɛda tutuu akwan na da koro bi, otuu kwan koo Atene. Na dee edidi soo yi ne seɛɛ Asomafo nwoma no si de Osomafo Paul kwan a otu koo Atene no ho nsem to dwa:

Paulo sare gyinaa Areopago nhyiamu no anim kaa se, "Atenefoo, mehunuu se moye nnipa a mope nyamesom ye. Efiri se, metuu mpase faa mo kuro yi mu, na mehunuu

mmeaee ahodo a mosom no, mehunu afɔrebukya bi a wɔatwere ho se, 'Onyame a wɔnnim no no de.' Enti, adee a monim na mosore no no, eno ho asem na mereka akyerɛ mo ne.

Ennee se yeye Onyankopɔn mma de a, ense se yesusu se Onyankopɔn tebea te se ohoni bi a onipa de dwete anaa sika anaa eboɔ aye.

Onyankopɔn buu n'ani guu eberɛ a na nnipa nnim no no so, nanso afei de, ɔhyɛ nnipa nyinaa se wɔntwe wɔn ho mfiri akwammɔne so. 31 Efiri se, wayi da bi ato ho a ɔnam onipa bi a wayi no no so bebu nnipa nyinaa atenteneneɛ. Ɔnam sore a ɔmaa saa onipa yi sore firii awufoɔ mu no so adi adanseɛ akyerɛ nnipa nyinaa (Asomafɔɔ 17:22-23, 29-31).

Greekifoɔ animdefɔɔ hunuu se Paul ye mpensem-pensemuyefɔɔ nokwafoɔ. Se wo ne w'adamfo bi redi nkɔmmɔ a, eye a kae ne nkyi anaa baabi a ɔfiri na hwe se wode mmuaee papa bema ne nsemmisa na amma no ankɔnya adwen bi se, wonim ne ho biribiara dada nti na worema no mmuaee a etete saa.

Onifurani a Yesu saa no yareɛ no

Yohane asempa no mu ho baabi, yekenkanee biribi faa onifurani bi a Yesu saa no yareɛ no ho:

Wɔde aberantee a na n'ani afira no brɛɛ Farisifoɔ no. Eɔa a Yesu saa onifurani no yadeɛ no, na eye homeda. Farisifoɔ no nso bisaa aberantee no sedee eyeeɛ a afei dee ɔhunuu adee. Aberantee no ka kyereɛ wɔn sedee Yesu de dɔtee a wɔafɔtɔ sraa n'ani so na ɔkɔhohoroee na ɔhunuu adee no.

Wɔsane frɛɛ aberantee a na ɔye onifurani no ka kyereɛ no se, "Hyɛ bɔ wɔ Onyankopɔn din mu se, asem a yerebe bisa wo yi wobedi nokore. Yenim se saa ɔbarima yi ye ɔdebɔneyefɔɔ.

Me dee, se ɔye ɔdebɔneyefoɔ o, se nso ɔye onipa pa o, eno dee mennim. Dee menim ara ne se, kane no na meye onifurani na afei dee mehunu adee (Yohane 9:13-15, 24-25).

Onifurani no rebua Farisifoɔ no nsemmisa no, sei enna kaee: *Na meye onifurani na afei dee mehunu adee.*

Otogyeni Levi

Na ɔtogyeni bi wɔ ho a wɔfre no Levi nanso akyire yi no, Yesu sesaa ne din maa wɔbefree no Matthew. Otogyeni yi ne Yesu bɔɔ mpunimpu wɔ den a na n'akoma ye den ho maa Yesu sesaa n'akomaden no. Enam saa asem yi so maa Otogyeni Levi yi too ne nsa free ne nnamfonom nyinaa too pono kɛsee maa wɔn enna ɔfaa saa akwannya no so daa Yesu adi kyeree ne nnamfonom no nyinaa.

Ekwan a na Levi fa so ka asempa no ho asem kyere afoforo ye tiawa. Ene se, ɔnoa aduane wɔ ne efie, na wato ne nsa afre wo na wafa adidie no so aka asempa no ho asem akyere wo. Na ɔne saa nnipa no atena akyere yie pa ara enti ɔde wɔn ayɔnkofa no yee fapem gyinaa so kaa Nsempa no ho asem kyeree wɔn.

Ayɔnkofa ye fapem papa pa ara a wobetumi agyina so ahye asee aka wo gyidie ho asem akyere afoforo. Se woye otiefɔɔ amapa a, wobetumi ne obi akɔdidi anaase akonom tii na woafa so de asempa no ho asem aye nkɔmmɔ ahodoɔ a mobedi no mu baako.

Eduru bere bi a, ayɔnkofa a ɛda wo ne obi ntam no tumi beye akwansidee ma wo wɔ asempa no ka ho efiri se, eye a na wonim saa onipa no abrabo mu nsem pii. Eye a na eduru baabi a, na wope se wokasa tia w'adamfo no abrabo nnyinasoɔ na yei tumi de ntawantawa ba mo ntam.

Ebetumi aba se, ebekyere kakra ansa na woatumi ne nnipa anya nkitahodie amapa asan nso asiesie mo ntam. Yei nkyere se, mma nnka wo gyidie ho asem nkyere obiara da.

Obaa a na wɔ abura no ho no

Da koro bi na Yesu nenam Samaria beaee bi a na nnipakuo bi a wɔbu wɔn animtia bi tee. Eduruu saa da no awia bere mu no, na sukɔm de Yesu enti ɔfirii adi kɔɔ abura bi a na wɔ Sychar ho se ɔrekɔpe emu nsuo no bi anom.

Ebere a Yesu duruu hɔ no, na wabre nti ɔtenaa abura no ho gyee n'ahome. Ɔregye n'ahome no, ɔbaa bi baa ho se ɔrebasa abura no mu nsuo no bi enna Yesu hyee aseɛ ne no dii nkɔmmɔ. Nkɔmmɔdie no mu na Yesu srɛe no se, *Ma me nsuo no bi nnom* (Yohane 4:7).

Nkɔmmɔdie no mu na Yesu hyee aseɛ kaa Nsɛmpa no ho asem kyereɛ no. Enam nsuo ho nkɔmmɔ keke a na wɔredie no so maa Yesu daa ne ho adi kyereɛ no se, Ɔne Agyenkwa no.

Obaa no ka kyereɛ no se, Menim se Mesia no a wɔfre no Kristo no beba, na se ɔba a, ɔbekyerekyere yen biribi-ara mu.

Yesu ka kyereɛ no se, Me a me ne wo rekasa yi, MENE Kristo no!

Yesu ano siie pe na n'asuafoɔ no sane baeɛ. Eyee asuafoɔ no nwanwa se wɔbetoo Yesu se ɔne ɔbaa bi redi nkɔmmɔ. Nanso, wɔn mu biara ammisa ɔbaa no deɛ ɔrehwehwe ne Yesu nso deɛ enti a ɔne saa ɔbaa no redi nkɔmmɔ no.

Afei, ɔbaa yi gyaa n'asuhina no hɔ sane kɔɔ kuro no mu kɔka kyereɛ kurom hɔfoɔ se, Mommra mmehwe ɔbarima bi a waka kɔkoam nneema a maye akyerɛ me! Anaa, ɔno ne Agyenkwa no? Nnipa a wɔtee asem yi nyinaa bɔɔ twi kɔhwɛɛ Yesu (Yohane 4:25-30).

Yesu too ne nsa frɛe no se ɔmmegye nkwa foforo a eye Yesu nkwa nsuo no bi. Na enam yei so maa ɔkaa ne gyidie foforo a ɔnyaee no ho asem kyereɛ onipa biara a ɔne no hyiaee. Ɔbaa no teaa mu se, Mommra mmehwe!

Dorcas, ɔbaa a ɔsomm afoforo no

Na ɔbaa bi te Yopa a ne din de Dorcas (a wɔn kasa mu no, aseem kyere se Tabitha). Na ɔye Yesu suani a ɔde n'adagye nyinaa yee papa, boaa ahiafoɔ san somm afoforo nso. Ɔwuiɛ enna ne wuo akyi no, nnipa kɔtwa hyiaa wɔ ne efie hɔ, dii ntadeɛ ne ntoma a ɔte ase no ɔpam maa wɔn no ho adanseɛ. Emu ara na Ɔsomafoɔ Peter kɔduruu hɔ bi. Ɔduruu hɔ ara na ɔkɔwuraa ɛdan a Tabitha amu no da mu no mu. Afei, ɔbuu nkotodwe, bɔɔ mpaɛɛ danee n'ani kyereɛ amu no kaa se, *Tabitha, sɔre* (Asomafoɔ 9:40).

Ɛberɛ a nnipa tee ɛkwan a ɔfaa so nyanee saa ɔbaa yamyefoɔ yi firii awufoɔ mu no, wɔn nyinaa gyee Yesu diiɛ.

Ɔkasa ne Nnwuma na enam. Nnipa ani tua nneɛma a woye ne deɛ woaye ama afoforo nyinaa. Na Dorcas ne akunafoɔ ekuo bi a na ɔreboa wɔn na na ɛye adwuma. Ɛrenye den mma wo se wobeka deɛ Onyankopɔn aye ama wo ho asem akyere wo mmamfonom wɔ ekuo ketewa bi mu. Se woye obi a wɔnim wo firi w'ahyease na afei wɔhunu saa nsakraɛɛ a aba wo mu no a, ɛma wɔtie w'asem no yie pa ara.

Peter—ɔsomafoɔ a ɔha adwen no

Peter, osuani a ɔkaa se ɔnnim Yesu no, sesa beyee abodeɛ foforo koraa wɔ Yesu wusoreɛ no akyi. Na ɔpere ne ho se ɔbeka ne gyidie ho asem akyere amansan. Ampa ara, na ɔye saa a mpo ɛberɛ bi wɔ hɔ a na ɔha nkurɔfoɔ se kyenkyen ara a, wɔmmetie asempa no.

Israelfoɔ, montie! Yesu Nasareni no ye ɔbarima bi a ne dwuma kronkron a ɔbediɛ no daa adi wɔ tumi ne anwanwadeɛ ne nsenkyerenneɛ a Onyankopɔn nam ne so yeeɛ a mo ankasa di ho adanseɛ no mu. Onyankopɔn ankasa firi ne pe ne ne nhunumu mu sii no gyinaeɛ se wɔbeyi Yesu ama mo, na mode no maa nnebɔneyefoɔ ma wɔbɔɔ no asennua

mu kumm no. Nanso, Onyankopɔn nyanee no firii owuo mu maa ɔyɛ no firii owuyea mu, ɛfiri se, owuo antumi anni ne so.

Ɛberɛ a nnipa no tee saa asem yi no, ɛhaa wɔn yie. Enti, wɔbisaa Petro ne asomafɔɔ a aka no se, "Anuanom, ɛdeen na yenye?"

Petro ka kyereɛ wɔn se, Monnu mo ho na wɔmmɔ mo asu wɔ Yesu Kristo din mu sedee ebeye a, wɔde mo bone bekye mo na moanya Onyankopɔn akyedee a eye Honhom Kronkron no. Onyankopɔn hyee Honhom Kronkron yi ho bɔ maa mo ne mo mma ne wɔn a wɔtete akyirikyiri ne wɔn a Awurade, yen Onyankopɔn, befre wɔn aba ne nkyen no nyinaa.

Petro kaa nsem bebreɛ kyereɛ wɔn se, Monnye mo ho mfiri asotwe a ereba saa nnebɔneyefɔɔ yi so no mu (Asomafɔɔ 2:22-24, 37-40).

Ɛwom se yewɔ ho kwan se yekasa kyere nnipa a yemfa kasabrani biara nni dwuma nanso ese se yede enidie ma yen atiefɔɔ ne titire wɔ ɛberɛ a yereka nokwasem bi sedee ebeye a wɔn bo remfu mma wɔmfa abufuo mfiri beaɛ ho nkɔ.

Monkɔ ewiase aman nyinaa so nkɔka asempa no nkyere nnipa

Yesu buu ɛbe bi faa nnipa bi a wɔtoo nsa frɛɛ wɔn wɔ ayeforɔhyia bi ho. Wɔn nyinaa kaa se, wɔrennya bere mma ayeforɔhyia no. Ɛnam yei nti, wɔka kyereɛ wɔn a wɔreto nsa afre afoforɔ no se, wɔn ara nsɔre nkɔkyinkyin nhwehwe nnipa foforo mma wɔmmra ayeforɔhyia no. *Ɛno enti, owura no sane somaa no se, Kɔ akwan so ne mfikyire na fre obiara a wobehunu no no se, mato ɛpono, enti wɔmmra* (Luka 14:23).

Nnipa no bebreɛ susuu se, eye ɔhye a etia wɔn ahofadie. Yereko akɔka Nsempa yi akyere afoforɔ yi, momma yensi gyinaeɛ wɔ nnipakuo a yebeka asempa no akyere wɔn, beaɛɛ a yebeka asempa no, ɛberɛ a yebeka asempa no ne

ekwan a yebefa so aka asempa no ho. Enne mmere yi dee, se wobeko nkurofo afie mu akohyia nnipa bi a wonhyiaa won da akoka Nsempa no ho asem kyerere won no nhyeda mmoa mma wo nsa nka wo botae. Ebetumi aba se, osom ahodo mu nnipakuo binom ne nnwumakuo bi suban a woda no adi wo saa ekwan a anka yefa so ka Nsempa no kyere afoforo no na ama akoye ohaw enne mmere yi.

Nanso, da biara, yehyia nnipa bebre. Won mu binom wo ho a yenim won yie enna ebinom nso wo ho a yehyia won wo bere tiawa bi mu wo baabi te se edwam. Se yere-tu kwan a, ebinom tena yen nkyen enna yetumi nso hyia ebinom mmeae ahodo bi. Saa nhyiamudie ahodo yi ye akwannya kесе a yebetumi afa so adi nkomm afa hia a yen nyinaa hia Yesu se yen abrabo sesafo no ho.

Da koro bi, me ne International Bible Society adwumayefo du yee nhyiamu bi. Nhyiamu no mu na meka kyerere won se wonkyere me ekwan a wofaa so nyaa gyidie wo Kristo mu.

Anwanwasem ne se, na won mu biara nni ho a wahunu Kristo wo asoredan mu anaase wafiri ne pe mu akenkan Twere Kronkron no mpo da. Na won nyinaa nam onipa foforo bi a okaa ne gyidie ho asem kyerere won so na ehunu Kristo. Obaa baako bi kaa abasem nwanwaso bi. Ose, nnawotwe biara no, na oko adidibea bi kodi n'awiaduanе. Eda a obeko adidibea ho biara no, na odwumayenibaa kasaforo koro no ara na osom no. Abosome kakra bi akyi no, ohyee asee kaa asempa no ho asem kyerere obaa osomfo kasaforo no kosii se afei dee ohunuu dee Yesu aye ama no enna ogyaee n'abrabo mu maa Kristo. Ebinom tee asempa no firii won abusuafo ho a mpen pii no, eye a na eye won nananom a woka mpaee a wob ma won da biara no ho asem kyerere won no. Obi nso tenaa ogyidini bi nkyen wo ewiemhyen mu na donhwereе kakra bi a wodii wo ewiem ho no mu no, saa onipa no faa n'ankasa kwan so

kaa asempa no ho asem kyerɛ ewiemhyen no mu akwantufoɔ no nyinaa.

Eduruu saa bere no wɔ yen nhyiamu no mu no, mehunuu mpɛn dodoɔ a na Awurade ahyɛ me nkuran sɛ menka Kristo ho asem nkyere ahɔhoɔ bi nanso mannye saa. Ebesi enne yi nyinaa, sɛ mekae saa akwannya no a memaa efaa me nsa ase no a, na me were aho yie pa ara.

Fa ekwan a eye ma wo pa ara no so

Enye ekwan baako pɛ bi so na ese sɛ obiara fa ka ne gyidie ho asem kyerɛ afoforo. Tebea a nnipa no wom na ekyerɛ ekwan a wobefa so ne wɔn adi nkitaho. Ne nyinaa mu no, fa ekwan a ebeye ama wo pa ara so na ka wo gyidie ho asem kyerɛ afoforo.

Mmma nnhyɛ obiara sɛ ɔmmɛtie asempa no ho asem da. Ete se dee woreka kaa wɔ kuropon a nkaneatimfoɔ wo mu mu. Sɛ kaneatimfoɔ kɔkɔɔ no sɔ a, ese sɛ wogyina. Sɛ wonnyina a, ebetumi ama wo ne kaa foforo akɔpɛm. Twen kɔsi sɛ kaneatimfoɔ ahabammono no besɔ a ebekyerɛ wo sɛ, nnipa a wope sɛ wo ne wɔn kɔdi nkitaho fa wo gyidie ho no ara abue wɔn akomaponɔ ama wo sɛ afei dee, wobɛtumi ne wɔn akɔdi nkitaho no.

Hwan koraa na yɛpɛ sɛ yɛka Nsempa no kyerɛ no?

Da biara yehyia nnipa a yenim wɔn dada. Wɔwɔ yen afiafie mu, wɔwɔ yen sukuu mu, wɔwɔ yen kɔlegyi mu anaa yen adwuma mu. Da biara, wɔhwe yen abrabɔ. Baabi papa biara nni hɔ a yebetumi aka asempa no ho asem kyen baabi a eben nnipa a yenim wɔn dada no teteɛ no.

Bio, nnipa bi nso wɔ hɔ a yenim wɔn fiti yen nkwadaa bere mu. Sɛ wohyia wɔn a, nsem a eye a na yetaa ka no mu bi ne sɛ, yehyiaɛ akyere yie. Ma menka nsem a asisi no bi nkyere wo. Afei, na woahye aseɛ aka nsem papa a efa Nsempa no ho akyere no. Anaase, wobɛtumi atena

ase atwera krataa, e-mail anaase wobefre won wo ahomatonomfo so aka nsakrae amapa a aba w'abrabo mu ho asem akyere won.

Ebetumi aba se nnipa bi atwa yen ho ahyaia a eho behia se yebehunu won nanso yennim won seesei. Ebeye akwan-nya kese se yebegye bere akoka asempa no ho asem akyere won.

Ekwan ben na yefa so ye no?

Dee edi kan no, sre Onyankopon se onkyere wo nnipasu a ope se wo ne won di nkitaho. Bo mpae sre Honhom Kronkron no se onni w'anim mmuebue apono a emu atoto nyinaa mma wo na wontumi nka Nsempa no.

Wohye w'asenska no ase a, ma nnipa a wo ne won redi nkitaho no nhunu se won ho hia wo. Tie won haw. Ene won nye adwenkoron na nya ntease ma won. Kasa fa nneema a eho hia won ne won dwumadie ahodo ho, a mpo ebia enka atifi nsem a wobekasa afa ho no ho. Afei, se mmere pa duru so a, wobetumi ahye ase akasa afa nneema a ewo honhom mu ho. Ma wo kasa no nye ntiantia. Ka w'ankasa w'abasem a efa dee Onyankopon aye ama wo wo w'abrabo mu no kyere w'atiefo no.

Wokae ekwan a osomafo Paul faa so kaa abasem bi kyere Ohene Agrippa wo Asomafo 26 no? Na n'abasem no tiawa na esan nso to asom. Dee edi kan no, Paul kaa ne nipasu ne tebea a na owo mu ansa na orebehunu Kristo no ho asem. Enna afei, okyerekyere ekwan a enam so maa obehunu Kristo wo ebera a na onam ekwan so reko Damascus de Akristofo bi akogu nneudafie mu no. N'abrabo sesae! Afei, Paul toaa so se, biribiara nni ho a otumi ye seesei gye se Yesu ho asem a oreka akyere nnipa nko ara na otumi ye.

Enti, se woreka w'abasem a, kae anammontuo anaa atrapoe ahodo mmiensa a edidi soo yi: Di kan ka sedee

na w'abrabo si tee ansa na worebehunu Kristo, ka ekwan a wofaa so hunuu Kristo ho asem, na fa sedee wohunuu Kristo akyi no, w'abrabo abeye ho asem twa too.

Paul bisaa ohene no nsem a edidi soo yi de wiee n'adansedie no:

Ohene Agripa, wogye adiyifoɔ no di anaa? Menim se wogye won di.

Agripa bisaa Paulo se, Wogye di se wobetumi adane m'adwene ama maye Kristoni saa eberɛ tiawa yi mu anaa?

Paulo buaa se, Se nsem a mereka no ho hia anaa eho nhia no, me mpaeebo ara ne se, Onyankopɔn bema wo ne won a woretie me enne yi nyinaa besakyera abeye se me (Asomafoɔ 26:27-29).

Fa simma mmiensa anaase aboro so koraa no, simma enan pe ka w'abasem no ho asem. Mmma nnka w'abrabo mu nsem nyinaa. Afei nso, kae se womfa osom mu nsensem, nsemfua a won nteasee ye tena biara mma w'asenka no mu. Wo dee, ka nsem a efiri w'akoma mu nko ara.

Asempa no mu nokwasem titire a ese se yeka ho asem

Eberɛ a nkommodie yi rekɔ so no, ebetumi aba se atiefoo bepe se wɔbebisabisa nsem anaase wɔde won adwenkyere beto dwa wɔ nsem no bi ho. Asempa no mu nokwasem a eho hia se yeka ho asem no bi na edidi soo yi:

Onyankopɔn dɔ yen

Yen nyinaa hwehwe titireye ne odo. Twere Kronkron no kyere yen se, yente asase yi so kwa. Obi dwene yen ho pa ara, ote yen akoma mu haw ase ne esu a yesu wɔ kokoam pe mmoa firi ne ho no nyinaa.

Na sedee Onyankopɔn dɔ ewiase nie; se ode ne Ba a owoo no korɔ no maeɛ, na obiara a ogye no di no anyera, na mmom wanya nkwa a enni awieeɛ (Yohane 3:16).

Nanso, Onyankopɔn da ne do adi wo yei mu se; eberɛ a yeye adebonneyefoɔ no, Kristo wu maa yen (Romafoɔ 5:8).

Nanso, esiane n'adɔye a edɔso ma yen enti, Onyankopɔn a n'ahummɔborɔ dɔso no maa yen nkwa wo Kristo mu, wo eberɛ a anka yeawuwu wo amumuye mu mpo; adom enti na wɔagyɛ mo nkwa. Onyankopɔn nyanee yen ne Kristo, na ɔde yen ne Kristo atena ɔsoro ahemman musedee ebeye a nna a ereba no mu, ɔbeda n'adom ahonya a eboro so no adi; n'adɔee a ɔnam Kristo Yesu so yee yen no (Efesofɔɔ 2:4-7).

Obiara nye steneneeni

Sedee ebeye a nnipa behunu dee Kristo aye ama won no nti, ese se yepae mu ka se yen nyinaa ye adebonneyefoɔ. Se nnipa ante asee se wɔyera a, wɔrenhunu hia a eho hia se wɔnya nkwayee. Yen nyinaa ye adebonneyefoɔ. *Na nnipa nyinaa aye bone ama Onyankopɔn animuonyam abɔ won (Romans 3:23).*

Ɛwom se yeye adebonneyefoɔ nanso enkyere se nnepa biara nni yen mu anaase yerentumi nye biribi papa biara da. Papa a yeye no mu biara nni ho a ebema yeatumi anya ekwan ako ɔsoro ahemman mu. Yen bone ahodoɔ no a, emfa ho ne sedee esi tee no, ma yene Onyankopɔn ntam te. *Na bone so akatua ye owuo, nanso Onyankopɔn akye dee ye nkwa a enni awiee, wo Kristo Yesu yen AWURADE mu (Romafoɔ 6:23).*

Kristo tuaa yen bone nyinaa ka

Se enye owuo a Kristo wuu wo asennua no soɔ no a, anka bonefakye nni ho.

Ɔnte se asɔfoɔ mpanin a aka no a, daa afɔrebɔ a ɔbɔ no kane no ɔbɔ wo ne bone a waye ho ansa na afei, wabɔ afoforoɔ dee no. Ɔbɔɔ afɔdee baako pe a ɔde ne ho na ebɔee (Hebrifoɔ 7:27).

Kristo na ankasa soaa yen bone wo ne honam mu ko asennua na so sedee yebewu ama bone na yeatena ase tenene mu. N'akuro mu na moanya ayaresa (1 Petro 2:24).

Onyankopon do ho asem no renwie peye gye se yede na atentenene ho asem bata ho. Kristo gye yen bone ho asotwe nyinaa soaee. Yei ye ahotososem, enti ese se obiara gye tom: *Kristo Yesu baa ewiase begyee nneboneyefo nkwa. Na meye edeboneyefo a edi ekan koraa (1 Timoteo 1:15).*

Enye do do yen no nko ara na ne wuo no da no adi kyere yen na mmom, onam ne wuo no so soaa yen bone nyinaa. Yesu kaa se, *Me a meye Onipa Ba no, mamma se wonsom me na mmom, mebaee se merebeboa afoforo, na mede me kra aye mpata ama nnipa pii (Marko 10:45).*

Kristo ye Onyankopon

Kristo ye onipa san ye Onyankopon. *Onyankopon nam Kristo so afa nnipa nyinaa adamfo. Onyankopon ankan won bone antia won na de n'asomdwoee asenka ho dwumadie no ahye yen nsa (2 Korintofos 5:19).*

Efiri Onyankopon no ankasa pe mu na Oba no wo Onyankopon su nyinaa wo ne mu. Enam ne Ba no so na Onyankopon firi ne pe mu de ewiase nyinaa sane behyee ono ankasa ase. Onyankopon nam ne Ba no wu a wuu asennua so no de asomdwoee bae, enti de nneema a ewo asase so ne osoro nyinaa ahye n'ase (Kolosefos 1:19-20).

Efiri se, Onyankopon tebea nyinaa ara te Kristo onipa-dua mu (Kolosefos 2:9).

Se anka Kristo yee Onyankopon nko ara na onye onipa a, anka Onyankopon ntumi nna ne ho adi wo onipa tebea mu.

Se anka na Kristo ye onipa hunu bi keke na onye Onyankopon a, anka orentumi ntua nnipa nyinaa bone no ka. Enam yei nti no, ono nko ara ne ekwan a yetumi fa so ko Onyankopon nkyen. *Yesu buaa se, Mene ekwan no, ne*

*nokore na, ne nkwa no; obi ntumi nkwa Agya no ho, gye se
ofa me so* (Yohane 14:6).

Kristo nyane firii awufo mu

Yei ne Nsempa no ntoaso. Kristo a owu maa yen no te ase. Esiane sore a Kristo wusoree no nti, yede ne nnato no hoahoa yen ho. Se enye owusoree no a, anka yen gyidie no ye gyidihunu.

Se saa ye nokore dee a, na ekyerere se wamma Kristo ansore amfiri awufo mu. Na se wamma Kristo ansore amfiri awufo mu a, na ekyerere se, yenni asem biara ka, na mo nso monni asem biara a mobegye adi. Eno akyi koraa na ekyerere se, yeredi atorofa Onyankopon ho, efiri se, yeka se ono na nyanee Kristo firii awufo mu. Na se awufo ntumi nsore a, enne na wamma Kristo nso ansore amfiri awufo mu. Se awufo ntumi nsore a, na Kristo nso ansore. Na se wamma Kristo ansore amfiri awufo mu a, na mo gyidie no ye nnaadaa, na moda so yera wo mo bone mu (1 Korintofo 15:13-17).

Bio, yehunu Yesu sononkoye. Enye se okaa se oye Onyankopon no nko ara na mmom, osan de ne wusoree kyere n'ahooden ne tumi a owo wo owuo so.

Yesu ka kyere no se, "Me na menyane awufo ma won nkwa. Obiara a ogye me di no, se wawu mpo a, obe sane anya nkwa" (Yohane 11:25).

Owuo, wo nkonim wo he? Owuo, wo nwowee wo he? Owuo nya ne tumi firi bone mu na bone nso nya ne tumi firi Mmara no mu (1 Korintofo 15:55-56).

Obiara nni ho a n'ankasa betumi ne Muhammad, Confucius, Buddha anaase Hindufo abosom mpempem no mu biara adi nkitaho efiri se ebia wawuwu anaase nni-pa na wode won nsa nwonoo won se wabesom won. Nanso Yesu dee, ote ase a yen ankasa betumi ne no adi nkitaho.

Ese se yede gyidie gye ofre no so na ama yeanya nkwa a enni awiee

Nkwagye ma mehunu se Yesu ye Onyankopon, meye odoboneyeni enti megye dee waye ama me no tom. Yei na Twere Kronkron no ka ho asem se Kristo “mu gyidie” anaa “nnyetom” no. *Na won a wogyee no, na wogyee ne din diie no, omaa won tumi ma wobeyee Onyankopon mma* (Yohane 1:12).

Meregye nkwa a enni awiee akyedee no a mense na memfata no afiri Onyame bi a oboo yen na odoo yen a mpo na omfa ho se obehwere ne ba wo yen ho no ho.

Eye adom no enti na wonam gyidie so agye mo nkwa. Emfiri mo ankasa, eye Onyankopon akyedee. Emfiri nnwuma mu, na obi de ahoahoa ne ho (Efesofo 2:8-9).

Ogyee yen nkwa. Enye nnwuma pa bi a yeaye enti, na mmom, onam n’ahummaboro mu ahohoro yen ho, agye yen nkwa, ama Honhom Kronkron no awo yen foforo ama yen nkwa foforo (Tito 3:5).

Kristo mu suahunu to rentwa da

Ebere a wogyee penee maa Yesu no, na ekyere se, wode wo nsa akohye abrabo a wonnim, abrabo a wonni so tumi ne nkanyan bi a wonte ase a etumi hye wo ma woye adee a Onyankopon behye wo se koye biara ase.

Mateo 5 ho no, Yesu kyerekyere sedee n’asuafo no si tee wo akwan ahodo mmien a esese nanso enye adekoro so: yeye kanea wo bepso so enna yeye nkyene wo asase so. Se nnipa a wotwa yen ho ahyia no hwe yen a, edeen na wohunu? Osomafo John atwere wo n’asempa no mu se, *Ahyedee foforo na mede regya mo se, Monnodoo mo ho sedee medoo mo no. Na se mododoo mo ho mo ho a, obiara behunu se moye m’asuafo* (Yohane 13:34-35). Odo a yewo ma yen-ho-yen-ho no di adanse wo Yesu tumi a etumi sakyera nnipa no ho!

Toto a ɔde yen retoto nkyene ho no kyere se, wato yen apete ewiase afanan nyinaa se yenkodi ne ho adanse mfa so ma afoforo nso nhunu nsakrae a otumi de ba nnipa abraɔ mu no. Sedee nnipa dodoɔ a yenim won no renko sombea bi te se asoredan mu da no, yebeko so ahyiahya won da biara wo baabiara a yewo biara.

Adee potee a ebema yeahunu Kristo botae ne se, da biara, yebɛboa yen ho yie se Akristofɔ wo beae a yewo biara ama nnipa a wɔatwa yen ho ahyia no kyen yen nnamfonom a yene won ko asore korɔ no. Hyia a yehya nnipa binom da biara no nkyere se wɔbɛba asore, nanso eho hia se yefa Asempa no so ne saa nnipa a yene won hyia yi nya nkitahodie amapa da biara.

Na Yesu buu won ebe foforo se, *Osoro Ahennie te se mmɔreka bi a burodotofoɔ de foto mmɔre ma etu* (Mateo 13:33).

Mmɔka sesa mmɔre ma ebeye paanoo dɛdɛɛdɛ a wotumi di mee. Mmɔka ketewa bi tumi sesa mmɔre bebree ma edane beye paanoo. Enye mmɔka no bebrebe na ehia na mmom nsunsuansoɔ a ebenya wo mmɔre no so ama abeye paanoo no na ehia.

Enye yen botae a yede te ewiase yi mu ne se yebɛpa bone anaa amumuyede bi ho ntoma anaase yebɛda suban sononko bi adi keke na mmom, yen adwuma ne se yebetwe akra afiri mmeae a Onyankopɔn de yen atenatena no ama no.

Enye asore no botae ne se wɔbesi asoredan. Asoredan no deɛ, eye Yesu Kristo na asi. Asore no botae ne se wɔbetwe akra ama Kristo. Eno ne adeɛ a Yesu yee wo eberɛ a na onenam asase yi soɔ no. Nokore nie, nnipa mpempem na Yesu ne won dii nkitaho nanso na n'asuafoɔ dumieniu no pa ara na na n'ani wo won soɔ.

Osuani ye onipa bi a wahyeda atu ne ho asi ho se obesua adeɛ. Osuani ye obi a osua adeɛ na ɔde deɛ osua no ye adwuma na mmom, enye osuani a otena sukuu dan mu sua Asem no keke. Osuani ye obi a ɔdi okyerɛkyerɛni potee bi

anammon so. Ese se osuani bu akonta papa kyere onipa a onim no, oboa no ma no sua adee ma n'adwene mu bue de bo ne bra no. Ese se osuani da subanpa adi, na oboa afoforo ma wosua senti a ese se wobeye asuafo. Osuani di Yesu anammom so enna a ewo nnawotwe mu no nyinaa mu na mmom, enye Kwasiada nko ara.

Woredi Yesu anammom so no kyere se Honhom Kronkron no ka wo ho tenetene w'anammontuo. Se wo gyidie nsi pi a, na ekyere se ebia wonnyee Onyankopon nniie se oye wo kannifo anaase w'ankasa na woasene wo kon se worenni n'akyi.

Baabiara a Onyankopon somaa Paul no, okoe. Kristosom nye ahogono; ese se wode wo nkwa to ho fa amanee mu ka Onyankopon ho asem kyere afoforo.

Se Onyankopon soma wo se, koka dee waye ama wo wo w'abrabo mu ho asem kyere afoforo a, edeen na wobeka?

Akristofo bebree na woreka adee a wogye di ho asem kyere afoforo nanso enye osuahunu a woanya wo Onyankopon mu ho asem na woreka. W'akoma aye hye mpo-firem pen? Onyankopon atie wo mpaebɔ bi anaa? Waye w'adehiadee bi ama wo anaa? Firi w'akoma nyinaa mu ka ho asem kyere afoforo. "Awurade, tutu m'anammom enne da yi. Boa me ma mente wo nne wo w'akwankyere ho na me kasa, me nneyee ne me nkitahodie ntumi nhye wo din animuonyam."

Honhom Kronkron no hye yen nkuran san bo yen kyidom wowa yen. Honhom Kronkron no ma wo nsemfua. Mmma nnka anyamesem na mmom osuahunu a woanya no na ka kyere afoforo.

Paul twere komaa Filemon se, *Mebɔ mpaee se wobekɔ so abɔ wo gyidie no ho dawuro akyere afoforo sedee ebeye a wobehunu nhyira a Kristo de ama yen no nyinaa* (Nkyekyemu 6).

Adee kesee pa ara a yebetumi aye ama onipa oforo bi ne se yebelboa no ama no ahunu Kristo. Kae se, yebetumi aye saa efiri se yeanya ho nimdee!

Awiee

Meyee setie maa enne a eka kyeree me se memma Kristo kwan na ommra m'abrabo mu no koraa ansa na meredi mfee dumiensa. Aberantewaa bi na ogyinaa Twere Kronkron mu nsem bebree so kaa ne gyidie ho asem kyeree me enna one me bo mpae de hyee me den. Edii beye nnawotwe anaa dee eboro saa kakra no, ofree me wo ahomatonomfo so ne me bo mpae bio. Ne din ahodo so no mu koro pe na na mekae a mpo ankyere biara na me ne no ntam nkitahodie no to twaee.

Se meko osoro ahemman mu a, mepe se mehyia saa papa no na mada no ase se enam ne so maa mehunu Yesu. Meda no ase wie a, na me ne no abom akoda onipa a enam ne so maa ono nso hunuu Yesu no ase. Ebia na n'awofoo anaase ne nana bi na oboo mpae maa no. Yebeko akoda onii koro no nso ase na yeafa ne so ahwehwe onipa a enam ne so maa ono nso hunuu Kristo. Yebetoo so akosi se yebehunu Yesu asuafoo no mu baako a enam ne so maa yehunu yen Agyenkwa no. Merenya sedee saa da no beye ahwe!

Se woko osoro ahemman mu a, hwan na wode eho aseda bema no? Afei, hwe asemmisa a emu do pa ara yi nso: Wosu se nnipa bi bewo osoro ahemman mu ho a wobehwehwe wo se enam wo so na emaa wohunu Yesu anaa?

Yesore da biara a, momma yen nyinaa mfa asemmisa yi nto Yesu anim: Awurade, adee sononko ben na metumi aye ama wo enne da yi?

Dekodee sononko no beye adee ben? Ehefa na anka Yesu de yen beko? Ebia anka ode yen beko anigyebea bi, a ne nyinaa mu no, ebeye mmeaee ahodo a yetete dada no ara. Nanso yebehunu baabi a yetete no se eye sononko

wɔ eberɛ yede Yesu aniwa bɛhwe na mpo yɛbɛhunu se eho
ye beaɛ sononko koraa wɔ eberɛ a Yesu bɛhyɛ aseɛ afa
yɛn so aye ne nnwuma. Mɛbɔ mpacɛ se yei mmra mu wɔ
baabiara a wowɔ biara—se eyɛ wo kurom, sukuu mu, ad-
wuma mu, w'akuraa ase, kuropɔn mu anaase wo man mu.

ADESUA NE NNWENNWENEHO NSEMMISA

- Nnipa a wɔatwa yen ho ahyia no mu bebree na wɔn-nim Kristo. Ekwan papa ben pa ara na yebetumi afa so ate wɔn haw no ase yie na mmuaɛ ben nso na wɔre-hwehwe?
- Hwan na eye n'asedee se ode asempa no bre nnipa a wɔatwa wo ho ahyia no?
- Akwan ahodoɔ a nnipa binom faa so kaa wɔn gyidie ho asem kyeree afoforo ho nhwesoo bebree na ewo Twere Kronkron no mu. Saa nhwesoo ahodoɔ no mu dee ewo he na ene wo dee ye adekoro?
- Wobetumi aka w'abasem te se dee Paul gyinaa Ohene Agrippa anim kaa ne dee no?

- Asempa no mu nokwasem ben pa ara na wobere se wobeka akwere nnipa a wotwa wo ho ahyia no?
- Adee kesse ben pa ara na yebetumi aye ama onipa bi?
- Se wokɔ osoro ahemman mu a, onipa ben na wode eho aseda bema no?
- Onipa baako anaase nnipa dodoɔ bi wɔ osoro ahemman mu a wode aseda bema wo se enam wo so na emaa wɔhunuu Kristo?